葉 文 莊 公 奏 議

葉文莊公西垣奏草卷五 題為斜劾事當謂官資貴顯乃法禁之所先罪惡 貫盈實刑章之不宥切照中軍都督府右都督 吏部左侍郎謚文莊 龍飛之 楊俊器非重厚德本凶邪素乏屬楊之名幸際 恩寵莫倫光榮罕比乃楊俊不思補報敢 終暴横冥頑而權豪以自居强梁跋扈而 運高爵連封于父于世官旁及于第兄 孫衡州府同知 六世孫禮部主事 昆山葉盛存葉 夢淇較定 重華彙梓 爾怙 Ì

官復體 私 交胡虜之 之罔顧貪財好名靡所 不異于 同 至自用大棍 響則 再照楊俊先守獨石等處其惡不可勝言 軍件結證詳明光有交通奸惡之 騎人交結威權而拜奸臣王 列而待朱謙紀廣如嬰兒心已同于鸱 勘以相同似此不道不忠論法豈宜容 · 針狗致被陶忠妻男奏告發露隨經 都指揮陶忠之 意總督等官既交章而陳奏巡撫等 則指揮單旗等之被辱無辜懷 死非其罪舞術弄智 不為害軍毒民何所 |振為親父茂 情 以及 獡

皇上念其因人成事之微勞加以都督恭將之重任 宏天地之大德廣山海之包容今循不務改 銀 **國質君求厥愆尤殺戮非過後蒙** 之而逃軍民家資乗機肆掠以至喪師失律辱 中金達劾之于前奉御黄整言之于後俱崇 存一旦逆賊犯邊輛棄十一 欺天欺 乃復擅自調美永寧軍馬又令砌塞邊境城 動以萬計下人之膏血竭盡邊方之備禦何 人有非一日作威作福何止一端給 彌望私 役軍 士知幾百千拾取 一城堡倉厫蓄積 池

景泰元年五月初二日 俊之戒謹具奏 將楊俊拿送法司明正 貴然后足以服人心令楊俊受恩孤思得寵 威必加于小人然後可以愜公論罰必先于 龍貴顯已 書况刑罰之行勸懲所 等切聞怙終賊刑者之舜典除惡務本載之 以贖前罪仍復驕縱 因伊父楊洪陳其過 |極罪惡彌深此而不誅何以示戒 打死將臣跡其所為死 一典刑以為人臣稔惡 係恩威之下子奪斯嚴 惡 欽 取 到京 周 臣

聖肯該部同武清伯考試來說欽此經今月餘未 詔肯招 Transfer Land 題爲用人事先該巡撫 虚士臣切惟今日多事之際 月十 著八 且其所陳戰車之說實有可行盛名之下恐無 定奪臣等訪之輿論霍寅謀識優長才堪御衆 信等薦 内豪傑之士抱負忠義卓有才能其過于寅者 · 徐異才未見其人有如霍寅倘蒙采錄則 **陣圖說随具本差** 五日該通政司奏奉 送到 山西次 水縣 大同宣 (件送正統十四 K. 府副都 霍寅并本 朝廷累降

聖斷授以職事或令于緊急去處称賛謀議或令統 The state of the s 端題一件委良將以肅軍令蓋將必得人 題為陳言事該兵部掌部事少保兼本部尚書 **豈有不至者乎乞** 景泰元年五月初八日 軍禦賊責其成功庶可無遺才之嘆且有以來 乎嚴兵不在冗而貴乎精臣觀巡撫山西右副 審驗如果可用伏乞 天下之賢謹題 謙等題前事禮科抄出山西道監察御史胡 勒兵部會官將霍寅公同

粉文武大臣從長計議將沿邊渾朔等州 都指揮二 禦冠不過追走自相蹂殺而 都指揮 **都御史朱鑑肵奏兵貴練而不貴多戰貴速** 不与久若軍令不嚴練習無法 彼 有戶之守城不過食根互 例型 十餘員俱在一城 各守地方其敢勇當先斬首生擒 員統領馬步官軍民壯一千或二 一賞調征臨陣先退者許令便宜 5萬兵威此言誠有可 相 守備乞 巴 訪得 欺詐 大同見 山縣各委 百萬 可 盐

聖旨該衙門看欽此欽遵查得先該朱鑑題前因本 天干之柄若各州縣守備都指揮俱各自專刑 俯納其言舉而行之本官奏奉 **型賞其臨陣退縮在迯者** 鎮称將等官定襄伯郭登等如遇率領官軍 不加于有罪徒沮士氣反致壞事合行人同 是威福恣肆權移于 治若不係臨陣之時不許 **勒殺賊 冠將有功之** 為照刑罰者 朝廷之典威福 ·誠恐賞不及于有功 就 明白 者

聖旨是欽此欽遵通行去後今御史胡端又奏朱鑑 司兩得其中士氣不致擔沮本部官奏奉 揮俱專生殺而不止于大將則是威福下移而 将者用其權朱鑑所言欲使各州縣守備都指 等切詳太阿之柄不可倒持賞罰之令不可 移夫刑罰出于 所言可収要乞便宜些資殺罰雖為有理然臣 令豈可使威福皆不出于 啟擅專之端事勢不一 下多事之時正當明君臣之大義嚴賞罰之號 朝廷者處其常勸懲出于 一而生覬覦之患况今天 朝廷哉谈之事

聖肯生殺子奪出于朝廷將士臨陣賞罰 物施行本部官于奉天門奏本 無事之時不許擅專合御文胡端奏要置貨殺 大將統大軍出征之時賞罰之權固不可以不 奪非臣下所敢預今御史胡端智不逮此止知 遵臣等切惟爵賞刑罰污天干之人 難以准行至于 亦妥臨時 具奏請 人自專其言未當還着八科看了來說欽此 尤為不可况本部已有前項奉奏 5 八權生 **바椎**宜

聖古這本還者六科祭詳明白來說欽此欽遵臣等 題為科劾事該都御史陳鎰等將推問司禮監大 實制足以收入心號令可以一彩志所奏聖賞 景泰元年五月二十九日 殺罰假之將臣一節誠為學識寡随詞語还此 問罪謹題 志雖在予進言事未合平至理所據胡端合當 監金英家人李慶等奸惡情繇議擬具題的該 切照太監全英處權豪勢要之地當惡稔罪及

沿命而不忠厥罪惟均實難容恕并該河南道監察 題為懷好方命等事先該巡撫大同宣府左副都 御史羅亨信具奏年老不能整理 **景泰元年光月十四日** 奏耀題 公臣等欲于景泰元年六月十五日早大班該 御史及首領官朱票張愚等俱合拿問以彰至 畏權避勢置元惡而不問承 題数難逃及照左都御史陳盤上文級惡長好 之時事雖發于家人咎必歸十必思舊章斯在

粉代替巡撫去後續該兵部奏 **机害及節次奏** 粉任寧就行然賛武清侯石亨巡邊軍務事畢石亨 前物就彼巡撫整理邊儲置任寧不遵原奉 信巡撫今石亨奏要同伊回京 候胡冠寧息之日仍依前 回京乃敢自稱大同等處實難巡撫依文回京 戸部奏 將監察御史任寧特里右愈都御史賣 回京之日任寧仍依 准任寧堂官領 准事理止憑照會徑自隨同石亨 **划巡撫大同宣府又該** 准.請 粉專為代替羅亨 **勃巡撫等項詞** 一節合令遵依

聖旨便着他去飲此欽遵經今 一既已洞見其懷好不忍加之以重罪景泰元年 同 題知 **青公然背逆勤勞罔効恭賛無功石亨具奏要** 方君命石亨之照會假托奉行 任正當憂兢夙夜圖報國恩何期大肆好欺敢 過不行前去臣等切惟任寧本以勘才驟臂重 五月二十 回京夤緣之情已者自稱大同實難巡撫專)跡難容必待寧心之方行意存跋扈有事 上奉. 月其任寧公然逗 朝廷之

知 邊方而不進律合避難不令其回而自回旣速 **忠實剛果大臣一員巡撫宣大誠為允當臣等 具題** 欲于景泰元年六月二十一日早大班刻奏謹 **法司明正其罪以為人臣懷好方命之戒另選** 之去而不去懷好挾許罔上欺天是致衰邁老 何以使人此而不誅何以示警合將任宣拿送 今三邊多故之秋正庶官用命之日方命若此 臣徒懸更代之望邊儲急務久缺綜理之人况 C. C. C. C. C.

物書既巴昭彰臣子自當遵守乃任寧因見大同警 題奏為懷好方命等事皆謂懷好不忠者人臣之 **賛軍務巡撫乃其軄守恭賛出于權宜** 撫邊方後因武清侯石亨之巡邊命任寧以祭 君命曩因都御史耀亨信之年老命任寧以廵 所宜憂兢夙夜圖報國恩何期大肆好欺敢方 **碌碌非才驟懼都憲之美官謬當巡撫之重寄** 必正切照都察院右僉都御史任寧拘拘小 景泰元年六月二十日 大惡方命不恭者國典之嚴係罪惡旣明章條 7

1月月明照雖洞見其懷奸天地仁 方可敢程似此狂妄益見擅專 延令爾月之久跡其罪惡今已貫盈几在 孤恩怙寵公然朝謁全無一事可為故爾 見戶部祭詳不允 想兵之照會假托奉行石亨為之上言質緣 加罪促之前去冀葢前您任寧不此之思又復 兄且支吾具奏自稱大同實難巡撫待後寧息 不疑駭臣等切詳任寧懷奸挾詐罔上 詔書已行乃敢倔强還朝 慈復不忍干 逗

題為操備緊要事訪得在京軍軄官員多有弟男 **具奏** 景泰元年六月二十一日 員巡撫大同宣府废使臣僚有警邊境無處謹 送法司明正其罪仍乞另選忠實剛果大臣 此何以使人此時不誅何以示戒合將任寧食 况今三邊多事之秋正庶官用命之日方命若 既已如斯恭賛無功又何足責是致邊儲缺綜 不令其回而自回既速之去又不去跋扈不道 理之人老臣切更代之望妨賢吳事罪不容誅 聞

為重緊關用人似此官合縱不能為隨軍赴放 子孫空閉在家者其中有素習马馬志于殺 之資亦可為上城守備之用較之去年急用民 衛所各將軍職官員之家弟男子侄年二十一歲 家多成五七人少者亦不下四三人括而盡之 夫人匠實為遠勝乞 可得萬數臣等切詳官舍出自將家多係應襲 而不得操練者亦有懶惰好閃甘于遊蕩者 數操練乃其本等况令聲息緊急京師守 上不係殘疾之人或甥婿等項及年未及 **朸該部通行在京各府**

請定奪則官舍不至鬧曠警急不至乏人謹題 警聽候守城把門湖用了中有願隨軍殺賊者 俱候寧息之日另行奏 使貧窘者樂于効力具隨軍操練及關支口 尚書于謙總兵官武清侯石亨處點選除軟弱 馬司排門挨究不許隱漏捏故作弊事發 聽有功 治罪挨報至日陸續送赴總督軍務少保兵部 十歲情願操練者各各從實開報并行五城 不堪外其餘分撥隊伍另作一營隨軍操練遇 體世賞仍與計議毎月量支口根庶 體

المدمكات المعدد والتعدد 聖古宮聚王喜張斌情犯深重論 題為明刑必罰等事該總兵官武清侯石亨等 遇警調用待有功時來說該衙門知道欽此欽遵 用人之際且都饒他降做指揮魚事着在營標 為事都督等官宮聚王喜張斌等開陳情犯 景泰元年六月二十五日 或食洛酷暴而累于那憲原情論罪死有餘 量復軄事等因具題奉 照得宮聚等俱係 孤恩負國罪惡貫盈或畏縮退怯而失惧軍機 朝廷將臣叨受邊方委托 罪本饒不

訓 臣等切詳貪活酷 前 典 明斷跳 肵 麩 示操縱 動以百千失陷軍民人口不下萬數激變變 征求結然 而貴州幾至于失守拘收婦女而土官亦被 刑此 鎮撫尚 因熒惑 内官聚害軍殃民宿師玩冠括索金銀器 誠 以 曲宥斬罪仍降職令其立功王喜 收繫人心端 被囚緊其宮聚刑 4 至明大斷 西南流毒未已欽惟 暴罪猶止于一 法度以恪遵 在是矣今石亨等安奏 部追赃完結明 一身激變失 雖 降

المستعملات 尚 始終此明始終此斷將宮聚等各照先次該衙 嚴于質罰威不可以徒行必威行于一人 禍將見于天下將臣之罪至此已 萬人惧恩不可以濫加必恩加于一 令必行事功易立觀廣不足平而治平之期 人悅賞罰旣明則人心無不服人無不 在再照 其無謀無勇人所共知王驥累次奏詞昭然 立致矣伏望 何可罪使宮聚果稱驍勇尚無可用之理 國家多事固急于用人恩威所臨 極此而可容 服 而千 而

聖恩寬大尚緩誅夷今又同流合污以類相聚輛敢 が対えて 聖明及照石亨楊洪等素擁重名叨膺大寄未聞有 朦朧會奏顯有朋比重情律以至公俱合拿問 然干人飲恩干已數内張軏先與宮聚同事竟 臣等至愚職居言路當四郊未寧將臣用命 亦均無成功副使李屠等累次上言臣等各衙 門亦皆劾奏 保民衛國之竒計而乃有黨邪舉濁之私心歸 於 門奏奉 7 欽依發落無下有合乎公論上無累

聖吉與他實授所鎮撫兵部知道欽此欽遵查得 題爲乞 謹題 該錦衣衛署所鎮撫百戶所事總旗李忠問肅 受職等因題奉 景泰元年七月二十月 等俱奏前因正統十一 所鎮撫事總旗間肅呈稱署事年久乞為奏請 信賞必罰之時勸懲所關事非細故不敢然默 政司官奏奉 恩事該錦衣衛指揮使劉源等題據署 ALL LAND 一年三月二十八日該通 先

斋定奪庶免聞風傲傚謹題 おけるとうない はんない かんかんかん かんかん かんかん かんかん **肯意不准受職却刀隱匿朦朧希求實授合當拿送** 聖裁及照指揮使劉源等不行明白查勘報便信 欽依事理伏望 太上皇帝聖吉不准再來打攪不饒還着科 等先前具奏通該四十名合無兵部查理奏 **悬泰克年七月初八日** 間肅呈文扶同具奏亦合拿問再照本思問肅 法可問罪革職以警其餘緣有前項題奉 欽此欽遵今照曆肅明知前項 憑

朝廷大事所關义非告言人罪及已將入内府不 朝廷大事當封進者有言不必封進者言畢散去 題為公議事景泰元年八月十二日早朝退後有 景泰元年八月十二日 當隱匿所據前項揭帖今當追出進是臣等職 居言路豈容緘黙謹題 於午門前群立聚看揭帖一箇看畢有言是 史冊今各官所看揭帖既稱係 **侯伯尚書都御史侍郎等官石亨王直胡濙等** 臣等切惟在朝言朝載諸禮經公事公言昭在

粉錦衣衛督令兵馬司官嚴加禁約差人巡視如有 題為禁約事照得長安左右門外東西朝房係是 詞課命多談禍福全無忌憚者若不禁約止 仍襲舊弊作踐損壞及喧鬧溷瀆者拿送法司 禮法有乖實為觀婚不便乞 損壞墙壁者有縱容街市諸色人等在于廟房 所係近訪得有吏典人等將帶家小在内安下 客四方 萬國之人朝 各衙門官員待漏候朝之所切近禁垣至為嚴 列買賣喧鬧作践者甚至縱容無知小人 57:17: 朝會同出入金門觀瞻

· 青意申明薦舉將臣事除欽遵外照得先該鎮守軍 L. STORY LOOK AND ADDRESS OF 題為薦舉事臣等欽奉 謹題 連名奏保寧夏衛支俸管操署指揮使王勛在 夏總兵等官張恭都御史韓福都指揮熊震等 景泰元年八月十八日 理善撫士卒堪以任用乞實授署職等因各題 任三年蒞政公勤謀畧超異弓馬慣熟讀書明 死治 庶幾 公解無損壞之 虞門禁有肅清之日 未業准理今臣等訪得王勛委有前項謀勇允 لمستكلف 令諭 詔書及節次 7

葉文莊公西垣奏草卷五			景泰元年八月日	得人矣謹題	量陞署職仍留在彼管事庶幾賢能有勸邊	物兵部合無將王勛照例行取前來試	如各官所奏乞	というない。
					· 無幾賢能有勸邊境	小前來試驗權用惟復		

2),02

禁文莊公西坦奏華卷六 題為陳言科舉等事洪惟 一龍飛之 一件至公取士事節該欽奉 一件至公取士事節該欽奉 一件至公取士事節該欽奉 龍飛之初開科取士鄉試巴畢會試在週 5等 詔書科舉歲頁自景泰元年為始依永樂年 吏部左侍郎謚文莊崑山燕 例行不許更改欽此欽遵照得永樂年間 The second of th 孫衡州府同 六世孫禮部王事 知 夢洪較定 盛存黨 重華彙梓 以 間

州廬 或五十名 來會試取士未嘗以名數 **廣東南直隸蘇松常鎮淮楊等處** 論迨至宣德年間 山東 不公天下盛心也士生 詔書特下首及取士 西雲南貴 州為中卷 西河南灰 始以湖 統年間始定 南 西 直隷安慶 北 一誠遵守戍憲進用 直隸為 斯 廣 拘亦未 何其幸歟前 額數或百 《為南 省 以 地 卷 卷 建 腎

聖朝 皇上臨御尤重 列 劝該部一 依永樂年間 古大其已成之才以資任 聖相承 件儲養賢才事 拘數目多寡不論地方南北 統年間 以遵行科目得以增重 力少壯 者 **毋遇進士登科必拔其資質聰敏** 以儲才 入翰林院為展吉士岬之讀書學 儒術是以凡在寰中士夫莫了 為政治之本永樂宣德 事例取士 用 如此則舊典得 一惟善是從不 年

勑該部將明年進士 感恩思奮前件乞 祖高皇帝欽定進士出身資格第一甲三 件進士資格事伏惟 成有志入選者聽其自陳亦許收錄如 從六品正七品出身第二甲從七品出身 國家無乏才之處治道有隆盛之美 時加獎勵隆其禮遇仍命老成儒臣嚴切考 官選板不拘地方南北送翰林院為展吉十 較務底成効其進士年三十歲以上學問 一股依永樂宣德間事例會

CATALOG BALLACIA 勑 件乞 在外知 該部今後進士除授除京官有缺照例補 惟 看得近年進士 第三甲除知縣切知 外其在外員缺監 守令要軄必須慎選方可得人而民受其惠 進士不拘品秩逕授要軄 甲 炽 州同知未聞以進士除授似有未當前 州 八品出身其後欽除特 同知並於監生內除授 京除知 生 縣者其得人十常八九 除授不敷將第二甲 州 同 者 知 知縣俱係親 俱有成 進 例近 於 民

件隨 之效昭然可見然其間資大入選監生必待 在監近八九年方得分撥各衙 往不乏近年以來大廷魁選多出國學育 既久或發身甲科或資次選用豪傑之士 下英才為監生者皆以**須與鄉薦而來作** 授在京或給事中御史主事在外或府 州同知第三甲除知縣仍令所司候明 材用人事 內外得以均重守令可以得 期奏請增廣解額多取進士以備權 朝廷設國子監以教育天

免有 該部今 坐 查前項監生若令 准告俯 月將及 及各衙門 弁 |監年月之 許其自 知 試 滄 一誠恐一 後在監肄業及各 就教戦 如 海遺珠之 移六 陳或 歷事聽選監生 過 所用甚不輕 仍舊在監肄業或仍舊歷 自負其材不敢入試者甚 時 副) 嘆前 緊授以教職不 除 利 願授職者聽其不 一其間資大 乞 也訪得在 副榜所同又 THE PROPERTY OF THE PARTY OF TH 歷事聽選監 亦未 到

部書自洪武至永樂年間有充軍擺站等項後因舉 者亦許引年致仕開其軍伍欽 免其戶下子孫補役見任年七十之上筋力衰憊 保復起為官或見任或在任病故或以理去官皆 題為軍政事查得洪熈元年正月十五日欽奉 景泰元年八月二十七日 人員或因子孫貧弱不能告理或因所司刁 **小與除豁其子孫至今充軍不缺切詳此等** 其志 聽選 則任官得以不枉其才人材得以各遂 此欽遵訪得前

日 三 大 該部行移各處 補 歸併等項編發別衛其原衛未會開豁仍復 員先雖為事充軍後家舉保復用必其罪有 矜 伍. 且文移不 補役 役實為可憫又有先因為事充軍後因改 有司着令該管里老親隣人等明白 仍前充軍者許赴 不敢代為分豁以致重 オ有 所 能杜絕官府被其攪擾深為未便 司 可用也 如 崩 有為事官員後因舉保 知 既家錄用而子孫仍舊充 戸 **廵按清軍御史處陳告** 兩處 |復勾提徒勞無益 清 勾因見事干 THE STREET STREET 復用 Ź 夗 軍 調 軍 勾

聖古軍政之事 認書有今出惟行之信謹題 詔書事例即與開豁免其子孫補役其两衛勾補 題為軍務事景泰元年 整理如今在 景泰元年九月初八日 文該兵部題前事節該奉 無虛月申達兵部轉行該衛照依先奉 時常清理方得人 有御史等官在內各衛所亦差 九月十五日奉通政司帖 朝廷有罰弗及嗣之 用人既年久未曾

青縣差 日 范 集 1 員請 題為舉留官員事照得本科宣德年間有都給事 切易為調用欽此欽遵今將推選到給事中 中 中二員左右給事中二員令本科止有都給事 景泰元年九月十七日 兵科給事中二員王鉉 歷任九年將滿練達老成堪以任用即今用 性中守制起取見到本官簡靜端深有為有守 員前去會同清 員其餘俱缺查照本科掌科事給事中蔣 *3* 理難題 錢澍 WINE A LINE AS

物吏部将本官量陞前織仍復本科辦事便益謹題 地大德無敗復加冷者毛忠又復怙思肆惡陰構 朝 題為邊情等事切照鎮守甘肅右然將都督毛忠 曲宥其死仍官其子 本官俱罪懷奸託詞自解 廷厚思託之恭禪鎮守邊境乃毛忠不圖恪忠 景泰元年九月十八日 本以醜屬餘孽久沐 之際乞 報國敢行交結乎好兇襲者賊臣喜寧敗露

朝廷厚思付之船禪鎮守邊境父子之光祭已極 奏為邊情等事當謂為臣盡忠而忠者乃其難分 景泰元年九月二十六日 題 身家之富貴罕倫乃毛忠不圖恪忠以報酬 餘壁久沐 理切照鎮守甘肅右然將都督毛忠本以醜虜 外夷交通之跡既形叛逆之情難掩神人共怒 天地不容今本犯擒拏見到欲於大班劾奏謹 臣無將而將則必正典刑天地常經古今定

題為軍政事先該本科題前事訪得在京軍職官 員弟男子姪空開在家其中有素智亏馬志在 景泰元年九月二十七日 謹具奏 構禍外夷則也先之謀為不執 等切詳毛忠 等上孤大德自造深愆交通之跡既形叛逆之 拿选法司明正其罪以為人臣陰謀不執之戒 情難掩神人共怒中外莫容所據毛忠等俱 敢交結乎好完忘恩中國則喜寧之鄉類可 **得標練者亦有懶惰好開甘於遊** 聞

Marie Street Land Street 物該部通行在京各府衛所各將軍職官員之家弟 并行五城兵馬司排門挨定不許隱漏捏故 盡之可得萬數臣等切詳官舍出自將家多係 男子姪年二十 守備為重緊關用人似此官舍縱不能為隨 應襲之數操練乃其本等况今聲息警急京 者一家多或五七人少者亦不下四三人括 赴敵之資亦可為上城守備之用較之去年急 用民夫匠作人等實為遠勝乞 一十歲情願操練者各各從實報 歲以上不係殘疾或甥婿等 而

聖旨兵部知道欽此續該兵部議擬目今邊務方殷 緊關用 泰元年六月二十五日奏奉 操練及關支口糧俱候寧息之日另行奏 定奪則官舍不致開曠緊急不至乏人具題景 毎月量與口糧庶使貧窘者樂於効力其隨軍 隨軍操練遇警聽候守城守門調用仍與計議 點避除輕弱不堪外其餘分撥隊伍另作一 務少保兵部尚書于謙總兵官武清侯石亨處 **奥事發** 人之際合無准擬取勘等因已經奏 體治罪挨報至日陸續送赴總督軍 誉 請

四河 长袖 准通行去後續又該兵部題稱在京各衛所取 連人送部斟酌巡揀堪中者送營操練不堪 再行定限取勘務要前項官舍見數清切造 用之人通不及千數顯是近年以來武備解 人無警懼以致互相蒙蔽不行盡數報出台無 無親男者多將堂兄人等保送襲替及至選堪 餘萬其家下人丁奚可數萬如遇承襲職事其 在京七十六衛所額設并帶俸官員不下數 不全開報者有止報委官軄名無人送到者 報到弟男子姪九百二十名送管操練中間 弛

准通行去後續又該兵部題在京各衛其并造 退回生理幇貼軍裝等因又經奏 在京各衛見任并滞俸官動以萬計延今取 衛所官吏不以軍務為重仍前隱蔽不報 即今張勝雖已自首誠恐似此埋没者多顯 戸張勝 不開空開事故若干者有具奏而不將文册 部者有 到舍人册內有不開本衛見任及帶俸官員若 者有見在數少事故數多者有 下第男权張貴等六丁俱各不行造 將人丁隱漏不報者且如羽林前衛 止開舍人

Ler implasses 待後數目清切之時斟酌棟退丁多及精壯者 生理幇貼軍裝其應襲合人務要一體送操以 量取送管操練若丁少及輕弱等項聽其自在 官舍選用寧息之日另行定奪兵部節次擬奏 予. 備日後襲替調用等因又經奏 册具奏送部以憑酌量來逐官下丁多精壯 申明無 日久选管操練者不及二十中間情樂顯然合 行清軍御史給事中將前項舍人重别取勘 等切惟本科陳言止因向時警急乏人要將 非要將官舍數目明白清出不致隱臟 准通行去訖

ALTERNATION OF THE PERSON OF T 朝廷事體上司明文曉諭下人使知其意以致愚 蔽欺公玩法又且不將 為不堪究其所縣葢因衛所官吏不惟夤綠紫 量选操練其丁少輕弱等項悉聽自在生理熱 稱要將各官舍人不分多寡不論強弱盡數清 人張皇疑慮易惑難境 出見丁操練妨誤生理不能寧居人情洶洶 貼軍裝俱有前項節次奏 清切选操不及二千訪得在京官舍人等有妄 衙門備照今自行勘以來已經三月報數尚未 The state of the s 國家當行大事固 准明文通行各該

勑兵部通查前項節大具奏 百意明文備榜於在京各衛所及街市去處張掛暁 題為奏事失當事景泰元年十月二十一日早該 景泰元年十月初三日 鴻臚寺序班王恕引南京左府舍人唐智爾本 **諭遵守不許虛傳妄說搖惡人心亦不許倚法** 言自息謹題 為奸沮壞兵政則兵戎之大事可行愚下之流 之日流言若此誠為未便乞 人言不愉然即今邊事稍寧之時正安靖,

THE PARTY OF THE P 勑南京都察院行提趙輝沈孟範問罪如律以警路 事啓一 範封章上 事屬違式又恐所司 左府掌府專駙馬都尉趙輝經歷司經歷沈孟 奏無啓一則有啓無奏本科雖已收發行抄緣 君之禮若不明正其罪無以警戒將來乞 三 封奏 聞記送科看得内奏一本軍職官員 一本歷事監生事係是各别事情 一陳誠敬何在有事啓而不奏甚失尊 奉行未便称照南京 一則有

聖青韓福與張泰在邊未聞協和効力行事却常瓦 聖古該衙門知道欽此近又該韓福具題前情該兵 題為風憲失職等事該寧夏恭賛軍務右敛都 朝廷已有物切責他去了欽此查得先該張泰奏 相矛盾攪擾 部官節欠欽奉 **陷及來福家人指揮福海馮友才等賄** 同知張泰無謀無勇等情該通政司官奏奉 史韓福題遵奉建言事理體訪到總兵官都督 太監來福都御史韓福都指揮熊震等朋合誣 路相 御

聖旨來福張泰命充鎮守總兵自合協和行事却乃 周英奏處置欽此欽遵此誠 責今後再不遵守法度協同行事都不饒福海馮 友才着巡按御史拿問明白照例發落干碍熊震 工軫念邊方天地之德洞燭好獎日月之明法度 幸甚合該韓福累題前因臣等叅服韓福久 私互相矛盾韓福織居臺憲不能正已如何 罪本難恕念他守邊且妨容不問便寫勑去 等情該兵部官看詳覆奏拏問奉 A STATE OF THE PARTY OF THE PAR 孤

苹俱係軄分當為却言為有建言事理遊奉體 自鎮守以下官員大小一應事務凡諸科奏與 向交結而不言張泰旣怯懦失機當時紫蔽而 指揮則狗權豪而妨公道來漏既貪婪剝 止是虛飾繁文自於廉能自叙履歷宥免斧越 掩骸已 不奏後因張泰陳情舉奏不法方纔搬拾張泰 保無功千戸則輕名器而厚私恩邀載伸訴 使無建言事理則體訪之不聞使非張泰) 非况韓福係風憲大臣受任邊方称賛 未服且其所奏全無指陳實

聖明急選剛正 - Charles de la Contraction de 一物肯切責仰之自新誠恐各官不務敗悛愈 警豈不攘事雖家 相忌况庸才如韓福者終難 兵家所总合者點廣之 長憲臣等叉聞天時地利不如人 要衝張泰韓福等平居守土尚爾失 簡易之律甚非臣子告君之言似 之後引無稽虎噬螳襯之聲牙難讀敢達直言 則字義莫辯豈盛伍使則文理不通孫吳殿證 Same and the second of the sec 廉能大臣 狡誦未上 一學夏實三 和將臣不和 此庸才實難 伏望 和萬

聖古兵部知道欽此查得先該本科官訪得侯端勇 題為憤運糧儲事該總兵官都督徐恭題查得遊 把總運糧欲便摘委等因該通政司官奏奉 洋運糧南京水軍左等衛官軍正欲催船兌糧 景泰元年十一 月初二日 體訪韓福所奏張泰事情明白回奏定奪庪使 追臣知戒 重地無虞謹題 刀過人無邦倭冠照例舉薦總兵官試驗得替 飲官管理訪得署都指揮侯端在京操備堪以 回京筝选法司宠問仍差廉幹御史一 員前 去

西坦奏草卷六 欽 世前職係在京緊用聽調殺賊人員今徐恭 軟石 物兵部看詳奏奪展任用得宜好終不作謹題 訪保堪令把總運糧且言欲便摘委顯係專擅 不無情獘乞 刀舵偷亏馬熱閉兵部議擬具奏 景泰元年十 月 日

· 葉 文 莊 公 西 垣 奏 草 卷 七 題為水言樂冠安追事照得近該兵部節奏北庫 今日瘡痍之痛甫定教牵之効未臻苗蠻昌熾 好之名陰蓄憑凌之志是和好之說必不可恃 賊酋有復來犯邊之意臣等切惟此賊陽託和 吏部左侍郥謚文莊崑山柴 於西南徭僚美兵於两廣凡百汲汲有為惟恐 而憑凌之患不可不防此理其知不待智者况 متعدد المتعدد المتعدد المتعدد 孫衡州府同知 六世孫禮部主事 **夢淇較定** 盛存某 重華彙梓 N. W. W.

部論不一而止以放易養之微皆得自達的有可稱 祖 THE PARTY OF THE P 上爰自居輔繼登大寶以來體天法 志求言所頒 之而未行或行之而未至是誠未足以隆脩 樂冠安邊固未易為而爲之之要在求言以行 緩不及事者猶因循荷且則事尚未可然然 日當為之事固多而莫若樂冠安避之為急也 者或緩急之不知或鉅細之雜陳奉行者或知 即見嘉納正言路大開盡言不諱之日也但言 之耳欽惟

聖慈聽納愚言特隆 中興圖治淡淡皇皇水言納諫之盛心也臣 攸宜必非單詞 我大事也民風土俗萬有不齊人情事體各**有** 聽而淺陋迂睞於事無補受恩思効言不迫 延泉論俯察與情切恐事迫臨期徒胎悔恨 生長盛時切聯侍近雖一得之愚亦皆過蒙 **夙夜憂惶用知所措竊復自謂天下大物也兵** 一力所能料理維持者若

玉首如古處聖所謂好祭邇言如唐賢臣所謂導 強屈敵者何可以出竒制勝冠兵猝至何以應 長開陳樂冠安邊奇謀上策如云若何可以推 翰林院尚實可中書舍人近侍官員俱於今年 外特令在京各衙門堂上官文職五品以上 十二月以裏或各具奏章或合歸連署務盡前 千品以上并六科 給事中十三道監察御史 未宜及與利除害等事許諸人直言無隱不拘 使言除有 派脈的攻起 之士馬之操練未精者 部書事理 朝廷及軍民中事有

Marrie med stade date de 孰爲得失如何可以收人心今日所習之器械 **熟為優劣如何可以必全勝某人有某長可治** 居高位孰可以為戰將孰可以為守臣戎行 軍旅而屈在下僚某人有某短恐妨調用而 處關城類廢脩守之方安在前目所稽之功 **放必用何法始精避儲之供削未足者何繇** 行何政始足某處地方要害防鎮之道何居某 **旌 異超遷他若天下之大本當世之急** 何人可以棄瑕錄用監軍守鎮之 任 1 何

經筵內閣客邇老臣與兵部等該衙門特加宣召付 MANAGED STATES AND ASSESSED TO STATES OF STATE 聖明於大臣元老平肯公清直諒良實忠純者及 朝廷事關原廟凡可以衛國保民可以濟時製種 崇軍惟觀其言之當否不必欲其同已而惟 之議擬令其勿事虚文勿應故事不論其人之 文仍不許遲廻顧忌及以位甲越軄為解而退 其所能俾得自盡務須直陳實事毋徒虛餘繁 有後言俟陸續封進奉言畢集仍乞 量亦異成止能區處一事或兼能識達象事隨 軍政者悉聽罄竭以備采擇其間人品不同分

聖德益崇治具畢張而強冠自弭臣等之福也社稷 聖斷親徹御覽重加諏難使之開陳利害所在的然 苟不當必隱之·而貸其過言之.果善必從之而 邊境之福也天下生靈之福也不勝幸甚再照 南京國之根本方鎮國之藩維休戚惟均安危 得乎事機不必嫌其異已而惟求合乎情理言 所係其南京各衙門并各處鎮守總督等項堂 見諸行萬懇 初終則嘉言日進而 可施行者即下所司以必行之不感浮議不 الددكات

The the state of t 君尊王之誠謹題 題為資給軍儲事切見京城角頭等處停積客貨 恃權家虛張聲勢於京城內外遠近去處邀載 商之利以歲計之何止與萬加以近年客店往 為貴近熟戚權豪勢要之家所有発其所得客 往容留無藉之徒或號稱管店或四名小脚的 客店搨房葢往年無事之日出於一時恩賜皆 處事宜一體陳奏至日施行臣等不勝犬馬奉 景泰元年十二月十二日 上交武官及都布按三司正官合無行令將彼

in the state of 聖明特物該部行令順天府將在京應有場房除尸 **鬻爵日不暇給其前項貴近勳戚之家高爵** 勘得出通行籍記在官本府正官督委整理該 恐長奸縱惡商旅斷絕開緊非輕伏望 法貿為不可若不先為處置不惟露國竭財尤 滁富貴兼 貨物不容客便甚至欺許銀兩打死人命靡所 不為雖曾事發治罪犯者接踵臣等切詳即 人官外其餘不分內外貴近熟成所有盡數查 二邊聲息未寧軍國所需方急納馬上草開 備而又侵利於國貽罪於人揆之 トト 1

題為不謹事景泰二年三月二十七日早有兵部 是郁接出抄呈施行說封寄在此今合取綴照 景泰二年三月十九日 得一應王府并內官本仍不送科俱係各衙 武選清吏司王事李郁赴科於各衙門寄文書 考收支實數如容隱獎漏訪察奏 套內取 出紙封文書一 足以資給軍儲之萬一 絕豪要無厭之欲且輦轂之下兇惡不萌而實 得鋪錢以備軍儲急用仍行巡視御史無季 一
謹
題 一角稱係內官來福題本 聞展幾週

聖旨他守邊怎麽要省親不准欽此恭照王稹官居 題為邊將不忠事該鎮守延綏右都督王旗題有 謹題 母周氏在於陝西城內欲暫行省視等因欽奉 **景泰二年三月二十七日** 然照李郁不行敬謹以致繳本精遲合當拏問 是景泰元年五月內接出除本官自行送緣外 官員接出就於內府抄行隨即繳進今前本係 頃綠西賊入境偶有大馬微勞 王帥素負狠愎之名織守邊方未者廓清之積 The state of the s 本

星上既爵之以正位都垣復錫之銀兩綵幣爲王 該部另選將臣一 等官奉公守法是有朋比交通之跡名旣托於 狗國之時王旗不正刑章邊將終無替戒乞 省母且做任其往來中問恐有别情不忠一 歸於雍熈徵應是有欺誑諛桉之心其言指 是爾以賊情爲餘事視邊報如等閉其言胡 者自合益勵臣節圖報國恩乃驕心即萌私恩 於此臣等切詳即日聲息不絕且聞謀犯西邊 級尤為要地當王憂臣辱之日正忘家 員代替王褲鎮守及行協貧軍

請發落謹題 聖肯朕承大統拳拳欲富國強兵以報讎雪耻思與 The state of the s 廣絕而卿等乃 累言復欲如前遣使與虜往來非 題為軍務等事該鎮守宣府都督紀廣等奏稱廣 朕本心不光所請各爾大小文武羣臣其共計議 長尔果當如何可副朕志明具以聞勿事空言圖 務副都御史馬恭將王稹拿問明白鮮京奏 賊近邊等因查得近該羣臣上言議遣使事節 景泰二年四月二十九日 該欽奉

皇上真大有為之君不世出之主央脩攘之大計 聖占卿等但當廣議備邊樂危復讎雪耻長策軍馬 A SAME CONTRACTOR OF THE PROPERTY OF THE PROPE **茅之士尚思獻議國家政事児國之大臣乎卿等** 保身家而已欽此續該文武大臣及臣等覆奏奉 勉之使臣不差欽此欽遵有以知 如何可以戰無不勝糧草如何可以用無不給草 沓至誠要義激不知所云今將合言事件開 督責若猶循點自守何以少逭刑章况今邊報 與復之大義聖謨神斷出於尋常萬萬也臣等 俱以為鈍叨沗言官不能供賴盡言以致上勞 明

Michael, Milliania. 謹題、 皇上賜之宅第賜之亏馬賜之金帛汞帯賜 件舒勵將臣事項綠多事以來軍職官員其 間多有拔自行伍或起自外藩典握重兵墓 有高爵豐功偉烈未大彰聞而侯伯等官 恩知報者固有而孤恩負國者亦多縱放軍 士供役私門有之委之統領剝削科飲者有 子孫駢蕃之錫希澗之思茂以加矣其間威 之荒淫沉湎酷盾無狀者有之甚至奔競成

THE PARTY OF THE P 皇上至仁並從寬貸誠恐各官知有 朝廷之講和近日保傳等官胡淡王直等所言 朝廷之恩不知有 警懼 若不痛加戒 够何以 望其克集大勲畫 邊防未盡脩舉等語要皆切中時病誠非過 論此者各官累犯 今日將軍有生之樂士卒無死之心及即今 **作怯之言摧沮三軍之氣保身家之富貴幸** 日威克厥爱允濟愛克厥威允用功兵法亦 風趨論勢要不顧兵戎大事忿争失和肆惡 朝廷之威凡事循常全無

ALER Ired utfortent	延中巳之思死歲偈日之念毋蹈前	聖情下恤軍士勿惑和議勿圖苟安不	雌雪國耻為急務為將臣者務須	逼近邊境以故不恃講和按兵社	國家今日用兵甚非得已益綠逆城背德渝盟	勃總督總兵及各管大小頭目論以	聖諭請	聖慈一如上項節次	伏挐	
	之念母蹈前職母胎	勿圖有安不可有湯	臣者務須上體	和按兵秣馬以報士] 益綠逆城背德渝明	頭目論以				

International Party result 皇上大計已央大義愈明恩威並行不事始息 聞斜劾笛覆是實輕則降調重則誅戮則人 心曉然皆知 臣亦須盡心力以開導之積誠意以感動之 後悔以進死為祭以退生為界有功者賞 舉總督大臣指實劾奏許六科十三道官風 **譋合衆情振作士氣如有不悛仍前做効** 各於發嘉無功者罰必嚴於誅戮其總督失 二軍之士不戰而氣自倍逆賊不足平也 簡

Lagin Tree Local 國家行師必先總督其次称賛紀功称賛者籌 盡之輔紀功者賞罰之司誠不可或缺也犯 達賊侵犯雲集烏散去來無方不可測料 宣力必貧文臣以督理是以 **厳達軍旅者然後可充其選而又預備多** 件像理軍務事聞之軍馬用事問頼武臣以 武事或者身不慣鞍馬目不識旗幟 **既幾臨時足用又文臣本皆書生類多問於** 軍馬之行或分一 人而称赞紀功不可以一人必位望隆重 枝或當 一面故總督可以

古點巡精力強健暁暢軍事堪以恭賛紀功 聖明特令吏部兵部於六部都察院大理寺 請差遣猝然受命鮮不慎事孫祥趙麟前鑒未 遠傳[巭 高精力稍减者外其餘 政司等衙門堂上官除掌印正官及年龄 虞兵法亦曰以虞待不虞者勝此之謂也 下數員不妨本衙門 職務不必先加以恭發 **几事豫則立不豫則廢又日備豫** TO THE TANK OF THE PARTY OF 具名上 聞 漸 講 通

題為弭灾防患等事伏見通來天降灾異或土星 景泰二年五月二十一日 命即行俾之然贅紀功則文武兼資而彼此得 以相成事功易立而緩急不致有誤 確裨益既不許猜嫌生事亦不許因循悞事 識凡諸操練事體亦得與總督總兵等官商 謙躬請教場監軍操練使聞見智熟下人 朝退或一員或二員隨同總督軍務少保 等路自不必令其干預軍務止令輸流每 或有警承

皇上有至聖之資有孝友之德有愛物之心有撥 欲益勤省躬大脩政事以圖天下之治使 哉意者土天仁愛 宜可以弭灾矣而上天猶若是顯示譴告者 以故四方冠盜漸底削平逆虜革心奔走關 以藤之則可轉禍而爲福易危而就安也恭遇 惟灾異之事雖治平之世所不能無而天人之 之功臨御以來累下德音恤軍恤民恒如不及 際象不虛發其要在於 犯上相逆行太微垣或太白書見或日食臣竊 君臣上下脩德務實

勑文武奉臣一遵 |益畏天命益謹天戒視聽言動作平天理好思 神功聖德必至於極隆全盛而後已也天於 即位之初所降 怠天命天討不以既公既平而或忽聲色玩好 可謂厚矣伏巭 宴安年歲雖豊不忘饑饉仍申 用含合乎天心天叙天然不以飲叙既秩而或 從平儉矣而必防夫未形之漸點房雖款不就 無所預矣而必堅夫既絕之心服食器用悉 物肯所謂庸庸保位緘黙了

害並陳嶽風憲而激楊兼舉凡諸當為之事則 嚴所謂務秉公廉恪勤乃軄治民者悉心愛民 墨無厭以肥身家凡諸不律之事則絕之而益 治軍者悉心愛軍司鈴選者量材授任務出 言請託公行希求遷叙剋指下人以圖奉獻命 承天眷順祥之兆與殃咎之應熄矣臣叨居言 以開召太平以成脩輔之功庶幾慰荅天意迓 勉之而益力洗心滌慮循名責實以共濟製難 公理刑名者原情定罪俾歸至當居言路而利 路義不容默今者不敢遠精泛論煩瀆 4 The state of the s

一門祖太祖 **勑各該衙門詳度可否施行不勝幸甚謹題** 聖聽謹直述研欠防患十有二事以聞雖計批言姊 部書內事理務須着實分豁停免少結波民之 少劾萬 無關國體不足以應天變然而裡補消復或真 為治以節用愛人為本今山西并北直隸府 心免致流亡之極仍行計議在京在外民百 役等項悉遵節次 無益冗費用度合行减省事宜會官看詳允 分人民十分艱難乞令戶部於一應催徵差 惟宥其狂直矜其愚褒特 The state of the s The state of the s

物前去就彼官司所有銀兩布及量與賞發唱名 恩賜尤當加意願恤光今並虜臨邊防秋緊要乞 命兵部通查各處緊要邊關照依往年事例選差 跡實家封以 當奏 朝廷備樂急務撫養軍士為先雖是累蒙 給散務行實惠仰其置辦軍裝樂於郊力就 騎惰如有不堪其任或害軍妨事者許差官 行戒諭守臣將帥御兵之法常須嚴整毋令 **廉幹給事中御史分投齎** 請施行以足國用以科民力 17

聞輕則切責警勵重則更易其人 行移各衛通查實數除成造軍器及內官監 者光今管造不急工程已蒙停罷乞令該部 在京各衛軍匠見在各監局上工者多係身 後再行定奪則人得實用糧不虛費 錄乞令法司討議於疑條件分投差官或行 週灾恤刑自古皆然近者在京斌囚己家審 見造戰車者外其餘暫选操練防秋備冬俟 移南京并各處撫按司府正官應有遠年 力壯健堪備征操亦曾連名自奏情願征操 ì

聞區處以召和氣 京城迤南沿河一帶白畫春夜盆賊騎馬特 情惟廣西貴州未見寧息其餘多已克平其 廣東廣西四川貴州湖廣浙江福建等處賊 結久監輕重囚犯照例會審發落重刑奏 静防好其餘悉令回京以寬轉飾之勞以安 使管察財物甚至殺傷八命聞多上下輪班 臣威望素立一方關伏者在彼嚴兵自守鎮 先差殺賊守禦文武官員乞令兵部酌留士 及側之心以銷鋒鏑之慘 The state of the s

多事以來各處司府州縣衛所官員如浙江 其害久矣乞令錦衣衛巡捕官兵用心紛 廉能官員一 都指揮脫綱愈事王晟等皆平日號稱謀 禁治務使強暴飲跡地方獲安 及令法司行移各按察司及巡河御史榜論 益悉無猖獗益在衛所起行之時地方已 衛所及殺賊守禦官處查問但有前項官員 典尚缺乞令吏部兵部通行各處司府州 旦禦冤殁於王事旌發未加 除備艱難問要盤纏或暗爲強 恩

行伍遷輸之中情罪可於村堪任用如寺丞 事等項者有侍郎周恍等建言事例不許告 量與復官以申淹滯 羅新知州傳雜之類乞令吏部查理問 **前誣告者有本等律條其不許告許不干** 獄訟繁與甚而界死無罪怨氣動天今之越 比年官員有因註誤中傷或因公獲罪見在 例贈祭甄錄以慰死者之靈以為生者之勸 勘申開褒恤武照知府知縣張琰鄧顒等事 如果奮身遇害不係退縮悞事即便從公保

A PRO PORT AND AND ADDRESS OF THE PARTY OF T 朝廷曾令各處撫按司府州縣正官储積穀石 從監候奏報處決者中間豈無困於餓寒迫 浙江等布政司賊人生發去處多有補發賦 致侵益隨宜設法勸借儲蓄務在倉廪克盈 思患預防保民首務往年 約暁諭通行遵守 废使愚頑不犯良善不免 乗戶豊熟之時必須用心整理照數稽考母 言及受理放前事者有景泰元年八月十 凶荒有備 とい

通州以南一带河道并徐吕二洪凡軍储國 用朝覲會同番夷貢獻官民商旅往來必繇 酌量情犯或遷配遠方或發克邊軍展不致 **温及無辜致于天和** 同研審訪祭里隣人等如平日不係暴惡及 法司行各處無按三司官但有前項賊囚公 於聚強骨從之人哀於勿喜古語具在因為 不係對敵擒獲情有可疑者明白聲說類奏 三跌龙甚益因黄河蚁竭水失故道乞令該 之路關緊非小近開水溢灘淺難行其徐目 The state of the s

聖吉給事中御史務要剛直明辨遜用欽此飲遵先 太上皇帝聖旨今後給事中選棟行止 偉語言正當才識優長的除授欽此欽遵照得本 題為急缺官員事節該欽奉 該欽奉 科除都給事中左右給事中外額設給事中. 景泰二年六月十六日 員合照給事中蔣性中豊慶劉斌錢澍等俱各 給不誤 衙門會回討議疏潛長策務使水道通行仰 端莊 人物豐

粉吏部於各衙門觀政進士內照例遐棟除授前來 聖吉劉清既有功待他回京陞用欽此除欽遵外 題為失體徵恩事該巡撫遼東左副都御史李純 據前項員缺俱未銓補乞 題稱先因有功緣隆從一品俸有虧其功乞 景泰二年八月初五日 等官王顯等奏保陞用近該兵部覆奏節該奉 辦事便益謹題 給事中劉清見在貴州然費軍務累該靖遠伯 陛除守制養病等項去說谷茂公差未回及照 Contract of the Contract of th

聖肯該衙門看飲此欽遵臣等當謂宣力効勞者 LETT LOTTE . Male And Andrews 朝廷之大臣當巡撫之重寄殺賊禦邊皆其責任 朝廷不加譴罰又復陞其俸給恩德如此恬不知 物定議為此激切等因開坐該通政司官奏奉 感用思益您悔罪乃敢觀寵徼恩又况自陳功 機統亦不能無罪 其律巴則清譽未彰為 縱有分寸補報亦係織分當為且前年遼東失 臣之賴分月耻貪榮者小人之私心切照李純 本以非才叨典風紀論其守軄則豊功未上求

西坦奏其卷毛
景泰二年八月日
無術有玷臺憲所據李統合當擊問謹題
耻之風失大臣之體要君用上情罪難答不
欢希求遷叙中人之所不為純安然為之據

葉文莊公西垣奏草卷八 題為陳言勤政事 吏部左侍郎謚文莊崑山葉盛存葉 以勤率下以逸為戒也鄭子產云君子朝以 之道也而宋儒程願告其君以輔養之道亦以 **教逸欲有那兢兢業業** 月二日之間事幾之來其多至萬是欲其君 以訪問誠以 The state of the s 孫衡州府同知 臣聞昔阜陶陳謨于帝其言 六世孫禮部主事 一日之内服勞有時亦遠疾 F 夢洪較定 一日萬幾盖 重華麋梓 聽

·列聖 さん こうしゅう こうしゅう こうしゅう こうしゅう 星上中典遲烙躬攬萬幾覆載之 體道謙冲 相承咸隆 者夷蠻 為人主一日之中多接賢士大夫則自然氣質 勒講讀之功以緝熙聖學來忠讜之言 血氣者莫不延頭傾耳想望太平二年干兹 變化德器成就而 合而觀之 具見成績 斯道午朝視政厥有常制圖治之 則 不自滿 勤政其君道之先務欺洪惟 又以為天下之事無急於 假方且 宵 綱 間四海之内凡有 小紀 肝水賢味 月以恢廓而 爽視 秤益 此 朝

皇 聖 聖肯兵部知道着操練聽調欽此 HER THE WALLE **飛宗午朝故事奏** 體優裕臣愚欲乞 題為玩法方命等事該右都督田禮奏稱原在貴 一特 蒙 景泰二年八月十五日 之幸也綠今天氣清凉 聖治顧顧乾乾月謹一 州等處殺賊不期都御史王來無故將 取回脊纖緣今精健乞仍聽調殺賊等因奉 **勑各該衙門查按** 請舉行則天下 一月此誠宗社之福臣民 照得本官先蒙差 幸甚蓮題 伊具奏

聖 **育送替乃仍** 肯 是欽此 官總兵 命有無 今嫡 戸朱 共知後 慣 不立 親男兒替職奏奉 及 難 相 調 稱 **處殺賊克右 販**訖無成功係都 應及曾否攻破案 審總督總兵官有 稱任使該兵部議擬合將 副 至本官回京不行遵 回 替職 總兵名目奏稱殺賊之月 州 領軍致被 數个又延 副總兵無功有罪 都 無節 御史王來奏伊 御 栅 史王 緩 殺 制 敗 El 田禮 來具奏 賊 於軍 果 斬 取 査 殺 制 回 月

聖古是欽此合本官又復不行遵依 粉古篮 等因奏奉 遠 施 汯 保送替職不許覬覦任事虚縻廪禄有垂清 行者必罪況中興各運之日正下人 伯王 服 即替職 丽 行該兵部然照田禮係干擅殺人命合行 犯法無忌者 因中間恐有别情宜從抄出恭查奏 田 製處查勘 禮奔競小 却 又具奏前因臣等皆謂莫嚴於 難客莫重於君命而逆命 回奏仍行 聞茸無狀驟遷 田禮將 、聴令之 都督旣 嫡 親見 時 國

詔旨又後隱匿前項情詞謂君命不足行國法不 題為事例事該都察院題該延按直隸監察御 教授自 王校尉徐玉等七員名到驛駐馬 鄭韶題據宣府百戶金良報說有裹垣王帶領 廢格累次 畏似此不道何以後加若不明正典刑以為 景泰 三年 來之戒不 野於軍功幸貳正垣亦倖徼乎思典今者公然 尤關緊不 細所據田禮合當拏問謹題 八月二十九日 惟小人得志實於大體有垂聞 風 臣

聖古都察院 聖 粉盲擅 袓 一裁等因具本該通政使司官奏奉 訓故違禁例不奉 伏乞 四· 處所誠恐沿途不測有吳大事再照 府迤東長安衛麻峪等口路 重事止 自 **極便放** 赴京其大 許實封馳奏却乃擅 知 係自行起京不曾奉命起取縱有 道欽此 出俱合問罪綠係郡王及鎮守邊将 同 該刑科恭看得御史鄭 鎮守總兵官郭登等不行 通 離邊城臣切見 外境最係 不 部 遵 勒 將

袓 訓 朝廷不知有。上國各無照依常例將鄭韶前 朝廷耳目之 要行問 史鄭部 **鄭便拏問不惟下無全才抑且沮礙風意今御** 行除襄 方軍機民情無不干預王國邊務肯係關防 人之精 不行阻當綠縣另行於奏外切照監察御史乃 襄垣 王恭要問罪未審應否宜從抄出查冤 愗 罪雖是詞語過當但鄭部之心正知有 神有限展事俱允當實難若少有公過 垣王擅自出城赴京及定襄伯 職在内在外自合知無不言出処 稱襄垣王不遵 郭登等

請定奪等因景泰二年九月十六日左都御史王文 聖肯是欽此除將御史鄭部所 欽依待回刑 裁 及今後御史恭奏不公不 俱照例年終頻奏 奏 等具題 分本院并各部抄行俱照例年終類本 MARIE TO 例綠踩另行具題奉 差候樣縣年終類奏取自 應事情遇此差恨不分本院并各部抄行 部拏問外所據泰稱要將御史今後泰 きし 節臣等 法事情遇此差快不 切惟 難照年終類奏事 奏

祖宗以來至於今日各該衙門來詳覆奏常行舊 裁盖自 朝廷建置六科職掌封駁章奏奉正欺蔽凡一 **覆奏恩威于奪取自** 俱於原本後泰出各衙門 於法違礙事理重者除另行奏 類奏發落其有不遵禁令干係政體事 年月差錯字樣水墨跡污食書不謹等項事理 輕者於原本後泰出各該衙門通抄案候年 小 衙門官員軍民人等奏題本內如有漏寫 抄出來詳明白通 請外其餘 有 規

裁惟復不必照依舊例不分事理輕重 題為科劾事皆謂罪莫大於欺罔而大臣欺罔者 年終類奏謹題 罪不容訴法莫嚴於怙終 景泰二年九月二十三日 門抄出恭詳覆奏取自 愗 輕貨舊章具在重典必加切照戶部尚書兼 終類奏外其事理重者合無仍照舊例各該衙 無敢輕擅以更聚 出御史奏題本内違錯綠繇除事理輕者 棄職掌令該前因合無今後 而 小人怙終者法 一、縣泰

恩大肆兇强之志豪横鄉曲即吞併其墳山暴 之兄而曲為皆故傳致平人於土豪事例必沒 **虐貧寒敢强占其田地李週乃奔競小輩** 君甘心負國醜顏厚貌全無補報之心恃龍 法醖日給大官製帯襲云疊出内祭五朝作意 女之夫而代為訴完李武本激變元兇以伊 儒臣遭際之幸又孰有過於斯乃陳循妄意要 官品極其崇高內閣經遊責任最為淡重豊敬 百碎具赠恩封上及其祖宗葬祭下臨於繼室 林院學士陳循一介書生叨居清要尚書

皇上寬仁大度曲加保全奈陳循稔惡不悛愈無品 主憂臣辱之義舎忘家狗國之心謂天可欺謂人 聽周鐘執法不屈反羅織以為好王豪勘事不 朝廷臣等切詳方今多事之秋而陳循影當内 巴威梅埠鄉民以人命重情炎惑 再三怙終之惡已著雖 章而不厭昧 憚跡雖茂視風寫實則愚美 又支吾以文過情詞虚妄欺問之罪臭逃塵資 之首救時急務自一事之不聞利巴巧言乃 相

祖 皇上處以至公斷以大義明彰 阻 題爲方命 訓大正邦 重煩厭萬口沸騰盖孔子之不信宰予知言行 宗之法度不足畏謂士大夫之清議不足恤是致 景泰二年十月十四 景泰二 臭掩吕海之必彈安石識奸詐之難容伏望 臣欺用怙終之戒綠係京官未敢擅 侮 謂 年十月十五日大 不法事該巡按福建御史那有題稱 刑 將陳循拏送法司明正其罪以為 H 班劾奏謹題 便 等等

Mary Marie and a second 聖古兵部知道欽此欽遵查得远該兵部題為舉 命不將都司印信付與都指揮食事王 朝 廷故違 撫 等因俱奉 溉 平之後却 都指揮秦敏捕賊之時推 飯題稱 恐遇有警急不服遣調合當拏問等因及該 軍事泰照福建尚實監右監丞戴組保奏 **福**建都 | 勝係是曽經失機官員及有礙品級 稱病痊赴司掌印今明知 同知泰鮫茂阴 病躲避回家偷安 勝掌骨 勝欽准

聖古是欽此欽遵雖奉 欽依專 依先奉 放達占饭題奉 **萨等查得王滕係福建巡按清軍御史及布** 曾事將印 信等件俱交與王勝收掌不許仍前 **巡按御史將秦飯拏問發落惟復行令王滕照** 慢不忠要乞提問 在司掌印故不遵依將印信銅牌佔門在以 司官員及鎮守内臣界次連章合解奏 一在 司掌印不許别項差遣秦厥協同在司 一節合無行移都察院轉 欽依未蒙定奪今該前

聖肯已行秦敏乃敢忌嫉廉能廢格 聖聰若不急加重典切恐貽患方來誠有如 命令不知 **物法司差人將秦敏摘拏社京明正其罪以警其餘** 其王 潔公平軍民愛戴要令專一在司官事兵部 妄自拘執失機品級之説再三倔强跋扈煩膏 經三次泰詳奏准王勝掌印骨事公議已定 建有可替老旗軍人民衆論攸同舉保本官 宥之所言者乞 勝仍照節次 朝廷用人惟賢是任自有斟酌權宜乃 御史那

欽依事理掌印官事則法令昭明而好預知懼 題為邊務事照得近該都督孫安都指揮王林等 前去良可於憫叉況彼處地方房屋屯堡尚 訪得中多老幼人數啼飢號寒扶老携幼不能 禄今正係霜雪嚴冱堕指聚層時月前項人 軍家小人口在京寄住者盡數發回原衛完住 奏兵部議擬要將開平等處比先被賊驚散官 景泰二年十月二十一日 公當而軍民被福謹題 即日地東天寒難於指手若使一緊驅

聖慈憐 粉兵部將前項人口除已行外其餘合無 THE WALL AND THE PROPERTY OF THE PARTY OF TH 當房前去剩下老幼暫便春暖起行 編開之邊務緊關固不可 孫安王林等所奏兵部所議擬皆為國王 致邊境缺人廉使下無怨嗟事克濟利謹 暫侯春 前去不惟処魚無益實恐死亡 艱苦亦不可無體恤之心伏望 景泰二年十月二 憫 特 和 **隨即起行再不許托** 一十七日 行姑息之政而下 相 **妆稽** 籍 惟復俱令 是 止令正軍 延誤事以 等切 計 題 然

聖心怠廢兵政號令不嚴隊伍不 聖古着六科看欽此欽遵恭照于謙石亨并安遠侯 題為科劾事該德勝門奉御阮允等題稱景泰 傷害人馬數多尚不咎已恤人 柳溥都督都指揮等官衛顏等平日不體 該欽奉 又該總督軍務少保兼兵部尚書于謙武清侯 年十一月初八日早標備軍馬出門踏死人 石亨等題稱前因要行查問守門官軍等因節 據各官俱合擎問以警將來臣等同十: 整以致軍無次序 乃敢支吾恭奏 馬

一家之 題 為科 督都. 典斯 尚書 失三軍之生死所關 握重兵思籠極其優崇責任至為重大指塵得 先文武 景 御 重務統士馬而達 泰二年十一月初 史於本 指揮等官衛顏等俱以凡陋切際聖 于謙總兵官武清侯石亨安遠侯称溥 存 劾事嘗謂掌兵戎 之 明章用赦切 班 月初 而身居高位或席父祖之 九 日大 照總督軍務少 紀失律者 訓練爭宜四海之 日 而 班劾奏謹題 防 奸 樂佛 刑 罰之必 保 The Control of the Co 安危是 **麼而手** 产 明 先 部

聖心奈何襲故循常致妨軍政保身家之富貴幸夷 罪將吳歸照等切詳當復營雪耻之 講成之日各官平居無事尚爾調度平方設 軍容非特有垂於清議推沮士氣豈惟貽笑 外方尚不咎已恤人乃敢支吾恭奏推原情實 要而官旗遂供私役號令不嚴則坐作進退之 屬之請和寬縱部役而士卒並多買開奉**承勢** 無法隊伍不整則前後左右之未明次序全 繁為各官者所當殫智畢應仰副 律何在非者德勝門外暖死人馬數多虧

of the distriction of the second seco

宣宗章皇帝臨御之日欽准兵部議擬軍政係例頒 祖宗成憲事伏覩 題為申明 緊開豈不逗邇慎事若非痛加懲戒何以克 後從只部申明奏請通行清軍御史等官 景泰二年十一 軍政條例行事此談 以為後來之替戒謹奏 大勲所振各官俱合查宛拏送法司明正其罪 布中外永為遵守近者 Ray. 一月初九日

宣宗章皇帝太上皇帝以來有生員李宗侃沈律 太祖高皇帝之時有生員陳質 聖朝良法美意行之人遠而無獎所謂先聖後聖其 聖體念賢才考試作美底丁有成其後多蘇科 朝立法制 **布列仕途為國効用由此觀之** 听等俱蒙 効照例 充生員起解兵部奏 **揆一也查得條例内開故軍戶下止有人一** 例夫豈無自而然盖在 開鈴軍伍若無成効仍發充軍 請翰林院考試如有成

气宗章皇帝之與 太祖高皇帝肯意并軍政條例考試兵部因查羅麟 祖宗成憲甚盛德也頃正統十三年間始有生員翟 聖明仍照 祖高皇帝以來事例及軍政條例昭然可考至今 上所行皆所以仰法 奉行近該江西古安府生員郭源奏乞照依 時一人事例其自 事例擬奏定奪蒙令補當軍役 臣等欲乞 麟亦援前例蒙發補役不曽考試然亦止是 ;

聖朝列聖以來故軍戶下止有一丁克生員考試過 聖古已着他補役了罷欽此欽遵 祖宗成憲事該本科題前事乞仍照 列聖以來各生考試過已行事例及軍政條例見行 題為申明 勘實送考定奪題奉 已行事例及軍政條例見行事理將生員郭源 景泰二年十 材振勵謹題 事理將本生勘實送考定奪庪使成憲遵行賢 月十五日

arria mkusha dala 飲准見行軍政條例施行康全事體謹題 斷 題為固本安人事該南京兵吏戶禮工等部通 朝廷繼述之意合無今後週有 道各題奏稱靖遠伯王驥所言將南京先 景泰二年十 司 為例查照擬奏不惟阻賢材 北京官軍存留起發事體不便等因查得先 一驥題要行 刑部大理寺都察院并 恐所司今後遇有此等生員又以郭 月十七日 取勘起語前項官軍兵 此等 刑 感奮之心抑且 科等科 生員仍 年 西 負

仍行查照起發去後今該前因臣 固本安 騻憤其奸 軍數 **今各官所奏或言悲號滿耳愁歎盈途或言灾** 練其意本 年在彼典兵任事之 益兵練十 官軍難 萬 依 在 以 鎮靜防奸不宜勤泉勞人 亦為國但安土重遷者人之常情 尤國之大計況南京根本重地所當 南京三十餘年不得實用者盖 起 頑曠逸乃欲量為存割餘送赴京 擬施行續該太監袁誠等奏稱前 取兵部又經議擬 人因循怠廢以致 等切 奏 招怨 詳前 如 起 斯 因 項官 征 而

Later Strategic Land and Land 聖明特 意皆言南京之兵不應起發事体非便交章 史 奏情詞懇切綠今有事之日凡事當合衆情伏 **具** 展形 當添 中 備 或 言 脱 有 奸 細 孰 與 守 樂 大 堂上官 悉送南京總督守備官處操練聽 到官除丁少役占及丁多之家量畱供貼其餘 門隣佑人等將前項官軍從實勘明的確數 員即中二員分投公同着令兵馬司官 物兵部行令南京戶兵二部都察院各委 一員躬親督理仍行選委公亷幹濟御 調 如有仍前

一一一一一一一天草卷八終				忝言責事于大計不敢本言謹題	衛充軍取勘官員治以重罪實為允當臣等	遊手生事及取勘之時作弊隱漏者事發送過	
	7 1),				臣等叨	餐选	100 miles

宋文莊公西垣奏草卷九 題為壅蔽賊情事照得年來問浙貴廣等處往往 **或絲州縣官員畏懼上司罪責希望寧息不削 挤**匿不 聞或 絲領軍官 具食功好勝粉節 申聞斯令滋養或絲經該上司畏懼干已 多因貪官暴吏豪猾吏胥激變而成及既生發 吏部左侍耶謚文莊崑山葉盛存禁 賦盜生發茶毒生靈原其所繇其未生發之 孫衡州府同知 六世孫醴部主事 夢淇較定 重華彙梓 那重

朝廷不聞養成禍患日甚日深不得銷頭自非 在賊情尤當深處已往者旣無所及方來者 情輕重緩急 强 如今日也也臣等切惟壅蔽為患自音皆然无 以悉皋顯是各官不恤大計推托隱購以致脫 近者貴州廣西賊情貴州奏而廣西不奏稱 司等官汪澄等推稱先前經該官員失於開奏 聊奏捷韓 言版情且如往年福建盗發御史了 財燒劫陳寺正家六科訪奏而福建不奏 撫運德威神武所及則殃民害泉将不 A CONTRACTOR OF THE PARTY OF TH

明特 情嗣 緩急 聽從 来者即時一面申達合干上司相機督補不 告事發聽各該衙門一體祭奏拿問治以重 領軍殺賊撫按官處今後一應大小賊情但 回等職當言路慮患所及不敢不言謹 不防臣等欲を 晝 輕重照詳處置不許似前互相蒙蔽隱 上司沮匿一面隨即各另具奏以憑酌 持仗劫掠結聚為非及妖書妖言疑人 **初兵部通行各處司府州縣及總兵鎮守** 致醞釀禍患胎患多人如違許諸人 奏

至上輔政之初令論群臣玉音有日人臣為國莫先 題為薦舉事伏視 瑄窮 累典學政不愧師道頃綠微府即欲歸養有梅 彭易經明行脩卓有模範監察御史致仕 義皆可師法者斯足以當之 可以因偏長而用之也切見南京大理寺卿 於輸忠薦士大哉言乎臣聞太學者賢士所關 景泰二年十二月二十九日 化之本也祭酒司業乃師儒首任必經術德 性理之學為踐履之功山東按察司副使 非如有司百就事

宸衷下愜典論臣猥 聖明特 朝廷官人之法貴乎用當其材惟用當其材斯 堂上 成士 逃 景泰二年十二月三十月 謂不忠謹題 有成効臣愚欲乞 行孝悌之實有難進易退之風今兩京國子 一具或仍原職或量 一官並係缺具而瑄等皆允稱厥職臣又 類振作士風上 **勅吏部看詳臣言如果不妄則乞於内** 庸愚職在獻納知賢不舉是 副 **敗陞管理監事必能** 볘 動 椎 開 監

聖旨王琦二 題為軍務事該右都督張斬等題稱欽命指揮 諫諍其所管營分官軍節次 等称照張朝等俱係管軍頭目官非御史職 管似此抗拒君命六科看了來說欽此欽遵 奉 司 琦管領實纛龍旗什物并取吹手官軍楊澤等 人數今王琦奏要一 處差操綠各營官軍永樂年間以來俱係各 把總官員照舊分管其楊澤等原係三千 一次着他管寳纛龍旗張軏累奏不與他 概掌管乞查例定奪等因 臣

聖旨着令王琦管領自合遵依 聖斯聽令王琦提督外合無仍聽三千管管事頭目 聖斷乃抗 宗以來至為重事必係腹心勲城重臣方行委托 乗 字囉 **今寶纛龍旗官軍除已遵依** 實難容臣等另行具題糾奏外再照實盡龍 重臣照舊總轄調度操練聽用務須協力同 軍 東出 俱 柜君命引例執奏不與管領原其情 喇 入隨護禁兵 **叭冲金香爐等項并傳令吹手等項** 官 旗

石者國無輕典情詞旣具糾正宜加切照右都督張 命者律有常條臣子以 命令為重而非 國恩未報曾少致夫継毫 父為拿而慢 題為斜劾事曾謂 **机孫鐵楊俊本非統馭之才俱受兵戎之寄** 肅清禁衛不許彼此矛盾垂張事體臣等時 景泰三年正月十二日 言路事于禁兵不敢緘默謹題 朝廷以

君命之當重雖日所典者軍務然於委曲將順之道 君命之尤尊但知舊例之為重而不知 宸嚴臣等切詳張斬等鹵莽蠢愚縣於蹇傲但知 上命旣行乃改建而至再過犯雷霆之怒敢干斧銭 盡官非御史敢持執而不移職非諫臣乃 而不已似此冥頑之革當行顯暴之刑所據張 有爭雖日所言者職守然於從容陳說之義未 衛之為尊而不知 **軌等因而抗奏致濟 計實黨龍旗等營** 飲命指揮王琦管理股 AND STATE OF THE PARTY.

粉兵科查理前項奏詞等因該通政司官奏 題為查理復職事該直隸天津左衛為事指揮使 失落無憑囘報乞 查理承襲奏詞本部 術方原等奏稱朦朧承襲為事刑部行移兵的 哀英奏先於正統四年襲父袁真職事今被本 景泰三年正月十二日 日大班劾奏謹題 議軍職未敢擅便臣等於景泰三年正月十二 孫鐘楊俊俱合拏送法司明正其罪緣係處 回翻比年被水粉和大

大学をはていることができることがないとう

聖諭有云垂降災異乃 胜 ماوسة محكند العتال وتعاد 天愛人之心今後遇有此等許諸人直言極諫 下即位以來累頒 旨該衙門知道欽此欽遵到科查得正統四人 題為陳言災異事 景泰三年二月二十八日 憑查理定奪合前本見在合發該部照例 官襲職綠絲既已兵部被水般移文卷失落 月二十六日行在兵部題 徑自查照施行禮題 本襲職事看係 沝

德 陛下何負於人眾近日以來災異海至若大水若河 陛下也 陛下克禮天成至公無我倦愧求言望治之盛心 君臣宜正心以修德以回天 意臣 叨居侍近躬 音有以知 竭若亦情岩霾察若立春日雪自後雨 尚不足以回天意而致災異之重至者其故何 **今後** 有云災異皆君失其德臣失其職之故又 **默為臣者負** IN S. CON. 李 一个个

أحذركك إعجاجتا 陛下 寒雪 加之少風嚴霜水復凍結夫雪者眾陰之極 **也禮**月 **閔地道** 者眾陽之宗春又陽德亨泰萬物發生之 怕寒又 不宜有此益皆稽諸載籍而 以聖德居天位動法堯舜之治以理揆之萬 不識占驗但以為 納不已碎幕春已及而積陰不解蒙晦更 非時太陽少見凡在有識莫不凛凛臣 仲春行秋今則其國大水寒氣總至岩 風也又日雨雪瀌瀌見眼日消止 日 極備 極無凶詩日高岸為谷深谷為 知其說矣書日 谗 時 急 萬 A 而

朝 廷不和災與血起又日邪氣積於下怨惡蓄於 上上下不和則陰陽經盤而妖孽生焉此災異 則有赤裤又曰三公非人則三光不明又曰 明善惡親昵近習無功者受賞有罪者不殺時 **找來征行冬令則陽氣不勝麥乃不熟尿多植** 視之不 男是謂不哲時則有赤青赤祥又曰 日聽之不聰是謂不謀厥咎急厥罰常寒又 恐行秋令則天多沉陰淫雨蚤降兵革並起 掠季春行冬令則寒氣時發草木皆肅固有大 日皇之不極厥咎常陰必有下人竊議上者又 スピスコン 傳

陛下 Later ACT July a dead 天之子也文武羣臣又 椎 其應不虚非 應皆緣人 間中正凡此皆陽不足以制陰陰勝陽下于 **徵所致以象類求之如臣于欺君父妾婦乗** 所緣而起也雖各為說不同大率不過陰盛陽 之證有一于此皆不足以言治也自昔天道 夫小人害君子夷狄謀中國異端勝天道讒 測非 八事動於下則天變形於上其來有 時可以徵驗也臣竊論之 事所能召致非一言可 自 邪

聖諭所謂天下大小事務鱼無差訛大哉 陛下推 陛下 天之爱又從而告之羣臣正循父之愛子不欲過其 天爱人君有所證告於 陛下之子也 内盗竊發而吾之生齒未盡安即如昨者 職未可謂皆舉外虜兇强而吾之邊防未盡飭 過而飲其無過為子者可不思其過而求所以 **炎其過平方今百官之寒未可謂皆賢脩輔之**

聖斯臣以為一人以刑法為言 陛下之言旧月之明見樂石之至論也為今日之計 陛下即從其請令法司疏决重囚於是乎素有善譽 天意未必能回災異未必能弭而意外之虞或近在 下從而聽之其效若此使文武羣臣人人有言 者侍臣有以災異為刑法暴濫所致者 人心翕然咸服 岩非博采奉言急加脩省 臣恐 目前或遠隔年歲鱼無難言難必者乎臣觀題 劉璉得離刑書附勢作奸之沈誠即編戎籍

陛一許其擇而行之將見忠臣義士愛君憂國之 聖意手勑文武羣臣各加 天之要道莫先於此欲乞 祖宗有已行之部令有已行之明效臣愚以為今日 諭所謂 下以臣章疏畱中詳覽不必降外特出 災之 弭災之 急務應、 在歷代有故事在 而聽之則其效又將何如也況且以 術乳有益於 許諸人直言極 衡 國家有利於軍民者為 諫令其各以致災之本 勵 仍如先次 弭

THE REAL PROPERTY. **大意不難厄災異不難弭羣臣不敢有負於** 矣臣雖無狀亦當別有所陳臣不勝竭忠款迫 下真不負 題為陳言防患事我 下之聽納莫不 朝 下之仁 自與瓦剌通好以來 景泰三年三月初 感 之至譁題 誠樂 於 1 披瀝肝 H 膽 **奇辭行遺惟脫脫不花** 圖報 稱

朝廷之 朝廷 朝廷旣知之矣安知不以此窺 朝廷以不 刺 **曾公然發書遺使夸辭**說 賊 脫脫當如臣之事君豈可悖 言者 為名 則脫脫雖弱君也也先雖强臣也也先之 自也先遣使來朝乃以逐去脫脫 君長远禮待之盖奴其原係可汗。 處置如何志滿氣騎理所必有臣編以 向也或言兩家鄉 知自處被尚未可以窺測我也今則 雖 **募情校許未**易 說 識 殺或云 亂而無禮哉今者 明言報 知而大義 彼 滕 報 則是 此 炳 夘 然 負 有 事

THE REAL PROPERTY OF THE PARTY 陛下不可不與老臣謀士熟思而預防也至如軍 夷夏之分雖有不同而名義同人心同也先以 多兵革之應天時人事可為寒心 是餐威蓄銳以待他日臣竊以為事機之會問 為禍患難保必無且向來災異迭見春令秋冬 殺君逆賊罪惡盈貫光加以舊雠未復乎今 無一言臣恐大義不復昭明大惡復何忌憚其 不容髮今日之事縱未可與師問罪亦豈可 之事論者孰不日不可以起釁不可以輕 之操練將士之簡擇根草之蓄積邊 Section - Manual Language Control of the Control of 之守禦 動 馬 珞

陛 THE PROPERTY OF THE PROPERTY O 陛下不可不與老臣謀士責實而早圖此 下留中詳覽特與廟堂左右容議而審處之幸甚 題為勦賊為害事該鎮守浙江都督愈事張真奏 謹題 伏乞 真喚頭目 說你每捕盗有好 我令巡哨軍旗將處州府避賊平民潘琳妻里 景泰三月初三日 該浙江道問出犯人都指揮張勇王钺等招稱 責義在當言故為被瀝於各該衙門無所施行 小的擄掠幾箇送 職有言

A STATE OF THE STA 聖青兵時 逞勢以肆貪饕當盜賊縱橫人心危急之際分 受畱潘葉與阿保在家除將 致被巡按御史奏真故縱扮掠等情真實不合 得良民男子阿保等在家於内义將阿保送 任專守鎮不能為國保民以稱任使乃敢 司轉發給親完聚及潘葉典先蒙巡按御 潘葉與等據帶回選送真棟收為奴及王欽 付 與伊父收領外具本囘話該通政司官奏 領軍 知道欽此欽遵臣等恭照張真職重 頭目索要良家子女以此 阿保送浙江布 其格 奉 史給 作 都 奸 垣

命負因此獎最多如往年福建等處征進官員殘宠 朝廷未忍加誅令其回話却又自己輒將阿保送 紫 為牧民而反以殃民正張眞張勇王鉞之 也今張勇王鉞已發充軍實愜公論而張真旣 臣等劾奏各官所謂本以禦盜而同於為盜名 布政司令其轉發給親完聚擴掠之實旣明再 全不剪除渡民愈加極擾子女玉帛滿載而 檀之罪愈重再照近年以為領軍殺賊官員 征求何止人口何有紀極及至幸 建 謂 戽

ACT - Mar Talkenber 祖宗之法具在必不輕貸無使為惡者知所悔懼而 断令法司將張真拿問如律以公憲典以示將 朝 廷 告掳掠等項一體追給貪養官員 斯若不明正典刑此輩終無警戒伏乞 民免受無涯之 可軍民人等如有掳掠子女王帛者許諸人 **猾之名專為附勢韶上之計虧公害法不止於** 仍令該衙門通行各處領軍殺賊官及所在 毒莲題 奸

求文在公西坦奏草卷九					景泰三年三月初五日

六父孝廉公先後銀行歲久漫漶:高祖衡州公 朝第 愾 集 幾 期於更新兹者仲弟子 , 莊公備三不朽 一人物所者奏疏日記及涇東水東稿諸 魏我 誠 八受武林臣心如水水並硯之時無悉增入是總近世卒莫親

於文莊公未竟之緒指伸弟以不振者又可矣 祖公餘之股手較奏疏日記二書先付 深幸选集一 一院六世孫國華謹跋 新雅酬厥志而